

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Breviarium Einsidlense - Cod. Ettenheim-Münster 38

[S.l.], 1788

Die 16. Maii. S. Ubaldi ep. et conf. Oratio

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)

*colimus : eorum apud te intercessionibus
adiuuemur. Per Dominum.*

Die 16. Maii.

S. Ubaldi Ep: et Conf.

Oratio.

*Auxilium tuum nobis Domine quæsumus,
placatus impende: et intercessione beati
Ubaldi Confessoris tui atque Pontificis;
contra omnes diaboli nequitas dexteram
super nos tuæ propitiationis extende. Per
Dominum.*

In II. Noct.

LECTIO V.

*Ubalduſ Eugubii in Umbria nobili genere
natus, à primis annis pietate et litteris egre-
giè eſt inſtitutus: iamque adoleſcens, ut uxo-
rem duceret, ſæpè tentatus, nunquam tamen*

à proposito servandæ Virginitatis recessit. Sacerdos effectus patrimonium suum pauperibus, et Ecclesiis distribuit, et Canoniorum Regularium Ordinis Sancti Augustini institutum suscipiens, illud in patriam transtulit, atque in eo aliquâmdiu sanctissimè vixit. Cuius sanctitatis opinione evulgatâ, ab Honorio secundo summo Pontifice Ecclesiæ Eugubinae præficitur, et Episcopalis consecrationis munere decoratur.

R. ~~IN~~ Inveni David servum meum, oleo sancto meo unxi eum. * Manus enim mea auxiliabitur ei. & Nihil proficiet inimicus in eo, et filius iniquitatis non nocebit ei. * Manus.

Lectio VI.

Ad suam itaque revertens Ecclesiã, cum

de consueta vivendi ratione nihil ádmò-
dum immutasset, in omni tamen virtutū
genere eò magis eminere cœpit, quò ef-
ficaciùs aliorum etiam salutem verbo et
exemplo procuraret, factus forma gre-
gis ex animo. Nam victu parco, vestitu
moderato, lectulo aspero, et pauperrimo,
crucis mortificationem iugiter in suo cor-
pore circumferebat, dum inexplebili ora-
tionis studio spiritum quotidie recrearet.

℞. Posui adiutorium super potentem, et
exaltavi electum de plebe mea; * Man,
enim mea auxiliabitur ei. ✕. Inveni Da-
vid... servum meum, oleo sancto meo unxi
eum. * Manus.

Lectio VII.

Hinc admirabilem illam mansuetudinem

est adeptus, qua gravissimas iniurias, et contumelias non modò æquanimiter tulit, verùm etiam mirifico dilectionis affectu persecutores suos omni benignitatis testimonio complectebatur.

¶ Iste est qui ante Deum magnas virtutes operatus est, et omnis terra doctrina eius repleta est: * Ipse intercedat pro peccatis omnium populorum. ¶ Iste est, qui contempsit vitam mundi, et pervenit ad cœlestia regna. * Ipse intercedat.

Lectio VIII.

Biennio antequam ex hac vita migraret, cùm diùtinis affligeretur infirmitatibus, inter acerbissimos corporis cruciatus, velut aurum in fornace purgatū, Deo gratias indelinenter agebat. Adve-

niente autem sacro Pentecostes die,
 cū multis annis Ecclesiam sibi com-
 missam summa cum laude gubernasset,
 sanctis operibus, ac miraculis clarus-
 quievit in pace: quem Coelestinus Papa
 tertius in Sanctorum numerum retulit.
 Eius virtus præcipuè in effugandis spi-
 ritibus immundis elucet; corpus verò per
 tot sæcula incorruptum magna fidelium
 veneratione in patria colitur, quam non
 semel à præsentis discrimine liberavit.

R̄. Iustum deduxit Dominus per vias
 rectas, et ostendit illi regnum Dei, et de-
 dit illi scientiam Sanctorum: * Honestavit
 illum in laboribus suis. ✠ Custodivit
 eum ab inimicis suis, et à seductoribus tu-
 tavit illum. * Honestavit. ✠ Gloria. * Honestavit.

In III. Nocturno.

Homilia in Evangelium Homo peregrè profi-
 ciscens. ^{Primo loco} Missa: Statuit. cum Orat. propria.

Die 17. Maii.

S. Nepomuceni Mart.

Oratio.

Deus, qui ob invictum Beati Ioannis sacra-
 mentale silentium novâ Ecclesiam tuam
 Martyrii coronâ decorasti: da nobis eius
 intercessione et exemplo linguam cautè
 custodire; ac omnia potiùs mala, quàm
 animæ detrimentum in hoc sæculo tole-
 rare. Per Dnum.

Lectioes I. Nocturni de Comuni Martyrum
 Tempore Paschali.

Extra tempus Pasch: Fratres debitores de Comuni plur:
 Martyrum, nisi impediuntur Scripturâ.